



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Episcopo, P. Archidiacono, & Decano de Vvirchia Redonen.

**urn:nbn:de:hbz:466:1-20006**

ABBATI ET MONACHIS  
Burgulien.

Epiſt. 311.  
De officio Ab-  
batis, & de re-  
ſtituenda diſci-  
plina monaſti-  
ca.

**E**A quæ à fratribus & coëpiscopis nostris, qui in partem folitudo- nis nostræ sunt vocati, auctoritate sedis apostolica ratione prævia statuuntur, ne per alicujus insolentiam seu temeritatem immutentur vel infringantur, aut in dubium revocentur, apostolico debent munimine roborari. Eapropter, dilecti in Domino filij, vestris justis postulationibus clementer &c. usque ad annum. Institutionem quæ in Ecclesia vestra a vener. fratre nostro H. Redon. Episcopo demandato bonæ memoriæ M. tt. Sanctorum Io. & Pauli Presbyteri Cardinalis, qui tunc in partibus vestris legationis officio fungebatur, justè & rationabiliter factam, quam de verbo ad verbum præsentibus duximus exprimendam, cum aliis bonis & approbatis constitutionibus auctoritate apostolica confirmamus, & præsentis scripti pagina communimus. Statuimus enim pro bono pacis & amore religiosi, quod Abbas, qui plus debet prodessere quam præesse, & discipulos suos magis exemplo quam verbo edocere, & cui oportebit coram summo judice non tantum de seipso sed etiam de ovibus sibi commissis rationem reddere, ut semper pauset in dormitorio, nisi fuerit infirmus aut minutus, vel de via post completorium venerit. quod tamen summopere cavendum est, nisi de necessitate hoc fiat. Quod si taliter contigerit, comedere & dormire in camera sua poterit. Post comedionem vero vigiliis superfluis & inordinatis, quæ absque nimia potatione fieri non solent, omnino abstineat, ut cum Conventu sobrie ad Matutinas valeat recurrere. Præcipimus etiam ut semper comedat in refectorio, nisi causa hospitalitatis cum viris religiosis vel cum aliqua honesta persona in camera comedere voluerit. Præcipimus etiam quod nunquam ibi carnes comedat, nisi infirmus aut minutus fuerit, vel auctoritate majoris. Si vero Abbas aliqua infirmitate laboraverit, cum fratribus, sed paucis, & sine laicis & Clericis, carnes in camera comedere poterit. Antiquas vero infirmarias fratrum non prohibemus. Præcipimus etiam & suademus ut quando eilicebit, in clauſtro ſedeat cum clauſtralibus, cauſa ædificationis &

amore spiritualis refectionis. Coopertia vero inordinata Abbati & monachis inhibemus, & auctoritate qua fungimur districte præcipimus ne Abbas vel aliquis fratrum intus vel extra coopertium habeat, niſi de catis, vel agnicolis, aut vulpibus. Præcipimus etiam ut cum de rebus monasterij tractare voluerit, confilio fratrum uratur, juxta illud sapientis: *Omnia fac cum confilio &c.* Suademus etiam ut in quantum poterit, ſudeat vitium elationis fugere, meminerit que scriptum: *Rectorem te conſtituerunt. Eſo in illis, quaſi unus ex illis.* Volumus præterea, & cauſa dilectionis præcipimus, ut duo de fratribus, qui discreti ſint & boni testimonij, ſingulis annis in majori Capitulo elegantur, qui ad loca monasterij ſemel & ſecundò accedentes, de vita & ſtatu monachorum diligenter perſeruentur, & quæ corrigen- da vide- rent vel ipſi corrigan- t, vel Abbati & Capitulo corrigen- da relinquant. Volumus etiam Decanos, qui eidem monaſterio utiliter provideant, ab Abbe ceterisque fratribus juxta antiquam conſuerudinem institui. Prohibemus etiam ne ipſe Abbas abſque affenſu Capituli ſui ultra ſumma decem librarum Andegaven. mutuo accipiat. Quod si ab ipſo præſumptum fuerit, ad ſolutionem ultra accepi debiti volumus non tene- ri. Præcipimus etiam ut duo fratres bona vita, & maturæ ætatis, ſigillum Capituli cuſtodian, nec ideo aliquid niſi de communi affenſu ſigillent, & quæ in eo ſigillata vel conſirmata ſunt, Abbe ipsum detinente, in irritum revocentur. Prohibemus etiam ut nulli personæ duo Officia committantur, niſi neceſſitate urgente, vel cauſa eminentis utilitatis. Quod si ab ipſo Abbe præſumptum eſt, in irritum revocetur. Decernimus ergo &c. Datum &c. Nonis Iulij.

EPISCOPO, P. ARCHIDIACONO,  
& Decano de Virchia Redon.

**C**onſtitutus in præſentia noſtra di-  
lectus Lambertus monachus Bur-  
gulien. ſua nobis querimonia declaravit  
quod cum à felicis recordationis Celeſt.  
Papa prædeceſſore noſtro ſuper cauſa  
quæ interipſum L. & R. monachos ex  
una parte, & Hy. Abbatem Burgulien.  
ex altera vertebar, de dilapidatione  
bonorum Ecclesiæ ſuæ, & aliis in qui-  
bus Abbatem jamdiči monachi impe-  
tebant,

Epiſt. 311.  
Ejusdem argu-  
menti cum pri-  
cedenti.

tebant ad dilectos filios Vindocinensem, de Persenia, & de Busseria Abbates litteras impetrassent, per insidias decepti latentes, cùm ad Vindocinen. Abbatem venissent, ut ei suas literas exhiberent, ipsis literis à quodam Milite cognato sui Abbatis infra claustra Vindocinen. monasterij fuerunt per violentiam spolia-  
ti, & (ut afferuit præfatus L.) cùm in manu præscripti Abbatis Vindocinen. ipsæ literæ fuisse postea resignatae, & ab eo detentæ, iidem monachi, ne pro-  
cederent in causa, fuere admissis literis impediti. unde dictum monasterium non modica patitur detrimenta. Nolentes igitur morbidum pastoris exemplum, gregem sibi commissum deflere, nec eum incorrectum esse per cuius alij debent corrigi disciplinam, discretioni vestræ per apostolica scripta mandamus quatenus ad Burgulien. Ecclesiam pariter accedentes, tam intrinsecis quam extrinsecis ad vos fratribus convocatis, veritate super statu & ordine monasterij & ip-  
sius Abbatis administratione à singulis seorsum, prout Ecclesiae noveritis expe-  
dire, diligentius inquisita, si culpam im-  
positam in Abbatem noveritis redundare, excessus ejus tanto distictius punia-  
tis, quanto sibi ab excessibus, in pastorali solicitudine positus, debuisset amplius præcavisse. Si vero idem fratres veritati testimonium renuerint perhibere, ad veritatis assertiōnem à vobis, quemadmodum justum fuerit, compellantur. Nihilominus etiam in fratribus vestris si aliqua videritis emendanda, quæ in damnum Ecclesie vel ordinis in-  
honestatem possint aliquatenus denota-  
ri, auctoritate apostolica corrigatis. Ut autem honestas ordinis in ejusdem Ec-  
clesie Abbatem & monachos fortius imprimatur, institutionem à te, vene-  
rabilis frater Redonen. Episcope, cum bonorum virorum consiliis ordinatam, & auctoritate bonæ memoriae M. ti-  
tuli sanctorum Iohannis & Pauli Pres-  
byteri Cardinalis, tunc temporis apo-  
stolica sedis Legati, provide promul-  
gatam, cum aliis bonis & approbatis constitutionibus faciat inviolabiliter observari, nihilominus in debitum statum appell. postposita reducentes quic-  
quid ab ipso Abate vel à suis post ap-  
pellationem ad sedem apostolicam legiti-  
mè interpositam in præjudicium iplo-  
rum monachorum temerè noveritis at-

tentatum. Provisurine, sicut frequenter audivimus, monachi malitiosè procedant, non quæ Iesu Christi sed quæ sua sunt consequantur. Testes &c. cogantur. Nullis literis harum tenore tacito &c. Quod si omnes &c. tu frater Episcope cum eorum altero &c. Datum Romæ &c. ut suprà.

R. ARCHI PRESBYTERO,  
R. Magistro scholarum, & P. de Vico  
Canonico S. Austregisili Bituricen.

**C**VM apostolica sedes, cui licet in-  
meriti præsidemus, universis per  
orbem Ecclesiis non humana sed divina  
sit institutione prælata, justum est &  
conveniens ut ad eam, tanquam ad ma-  
gistram & matrem, super diversis juris  
articulis referantur dubia questio-  
nes; quatenus quæ jura constituit, eadem  
quoque jura distinguat: ne quæ diversa  
cernuntur, videantur aduersa. Sanè, si-  
cut ex literis vestris accepimus, cùm ex  
una parte Capitulum sancti Stephani &  
Capitulum de Salis, ex altera monachi  
de Pratea, super decima quadam, quam  
à monachis ipsis petebant, in vestrum  
compromisissent arbitrium, & vos parti-  
bus convocatis cognosceretis de causa,  
monachi proponebant donationem ip-  
sius decimæ sibi à quodam Milite fa-  
ctam, & venerabilis fratris nostri Bituri-  
cen. Archiepiscopi diocesani ejus acce-  
dente consensu confirmatam fuisse, sé-  
que auctoritate Hieronymi munitos  
existere, qui scribens ad Damasum, ait:  
*Si aliquando fuerint à laicis male detenta  
que divini juris esse noscuntar, & in usum  
transierint monachorum, Episcopo tamen lo-  
ci illis probente consensum, constabunt cis  
omnia perpetua firmitate subnixa.* E con-  
trario pars allegabat aduersa consensum  
Episcopi sine Cleri consensu minùs suf-  
ficere, auctoritate Leonis Papæ dicentis:  
*Ne quis Episcopus de rebus Ecclesie quic-  
quam donare, vel commutare, vel vendere  
audeat; nisi forte aliquid horum faciat ut  
meliora prospiciat, & cum totius Cleri con-  
sensu atque tractatu id eligat quod non sit  
dabium Ecclesie profuturum.* Quia vero  
super his auctoritatibus dubitantes, se-  
dem apostolicam consulere voluistis, hu-  
miler inquirentes utrum quando deci-  
ma possidetur à laico, si conferatur Ec-  
clesie, ad confirmandam donationem  
consensus Episcopi sine Cleri consensu  
sufficiat; nos devotioni vestræ taliter

*Epist. 513.  
Ut decime sive  
Ecclesia fol-  
vatur.  
Cap. Cùm apo-  
stolica sedes.  
De his que finit  
à Prelato sine  
consensu Capituli.*